


Conoce nos Tribon Bayena



ORANJESTAD (AAN): Na nos dushi Papiamento nos ta yam'e Tribon Bayena, na Ingles e ta yama Whale Sharky su number científico ta *Rhinocodon Typus*. E ta e especie di tribon mas grandi na mundo y e pisca mas grandi cu ta na bida. E especie aki ta crece te cu 13 meter largo aunke den pasado a documenta uno mas grandi di 18 meter.


E tribon bayena por biba entre 70 pa 100 aña. E tribon aki tambe ta un especie protehi pa leyman local y internacional por medio di e decreto nacional "bescherming inheemse flora en fauna". En corto ta prohibi pa mata e especie aki.

Directie Natuur en Milieu den anticipacion pa World Ocean day, dia 8 di juni 2019, ta acerca pueblo pa haci un yamada na comunidad, specialmente e piscadornan, buceadornan, diving companies y aficionadonan di fotografia y vidieografia bou di awa pa yuda DNM y Aruba registra por medio di foto of video e Tribon Bayenanan den cercania di nos awanan territorial. Asina nos por logra hasi un investigacion y establece datanan necesario.

Con ta reconoce e Tribon Bayena?

E Tribon Bayena su cabes ta plat y grandi. Por distingui e bayena for di e otroan dor di su size enorme, color y manchanan unico den forma di "checkboard" ariba su lomba. Pues e spotnan y strepinan cu ta riba su lomba.

Ta di sumo importancia pa informa pueblo cu e bayena ta riba e lista Internacional di IUCN, Red List Species, como uno VULNERABEL. IUCN Red List ta e organo cu ta registra e especienan cu ta bou menasa pa stop di existi (Threatened Species). Funda na 1965, e ta e sistema di inventarisacion mas completo conoci mundialmente pa conservacion di e status di especienan biologico. E ta uza criterianan pa evalua fasenan di extincion y riesgonan pa centenares di especien y



subespecie di mundo.

Reino Hulandes a propone tambe pa pone e especie Tribon Bayena riba e lista di CITES unda e pisca aki ta prohibi pa mata y haci comercio cune. Por ehempel bende su carni of partinan di su curpa manera e fin of kaak.

Conservacion di especienan di lama manera e tribon tambe ta forma parti di e SDG#16. Bida bou lama como e un di e metanan mundial pa un desaroyo sostenibel. DNM su pagina social di facebook lo ta e medio unda por cuminsa manda e fotonan. Tambe DNM su email general ta info@dnmaruba.org